



O pikomod ni Cay-Eng-Wen Cung-tong a
mita'ong to Yin-cu-min-cu a tilid



真相 2016 和解

O pikomod ni Cay-Eng-Wen Cung-tong a
mita'ong to Yin-cu-min-cu a tilid

蔡英文總統代表政府向原住民族道歉文

Amis



原住民族委員會

COUNCIL OF INDIGENOUS PEOPLES

真相 2016 和解



■ O pikomod ni Cay-Eng-Wen Cung-tong a mita'ong to Yin- cu-min-cu a tilid

蔡英文總統代表政府 向原住民族道歉文





I 'a'ayaw no 22 a mihecaan no nini a romi'ad i, mafalicto a matongal ko rikec no mita to "San-paw" sanay a tilid i, "Yin-cu-min" hanto ko pipangangan. Onini i, o palasawaday to misawili'ay misakakinihay konini a ngangan, ato pasifana'ay a pahapinang ao "Tapang no Taywan a tamdaw ko Yin-cu-min-cu" sanay. Itini tona parenaan a tomireng, ta manga'ay mi'awas kita a tala 'a'ayaw anini. Komod han no mako ko Cen-fu a mita'ong to polong no Yin-cu-min-cu, a paini to ngodo^ no faloco' no niyam. 400 a mihcaan to ko pades ato masakakinih ko polong namo, na onian saka Komod a han no mako ko Cen-fu a mita'ong kamo.

二十二年前的今天，我們憲法增修條文裡的「山胞」正式正名為「原住民族」。這個正名，不僅去除了長期以來帶有歧視的稱呼，更突顯了原住民族是台灣「原來的主人」的地位。站在這個基礎上，今天，我們要更往前踏出一步。我要代表政府，向全體原住民族，致上我們最深的歉意。對於過去四百年來，各位承受的苦痛和不公平待遇，我代表政府，向各位道歉。



Paso'elin kako, tangasa anini i, taliyok no 'orip ako i, iray ho ko hamaan a ta'ongen sanay a tamdaw. Onini ko satadamaanay a demak no mako anini a komod to Cen-fu a mita'ong. Oya palanga'ayay sanay to misakakinihay a demak, ano ca o heci no saka comahad no tamdamdaw ko roray pades no finacahan sanay a haharatengen i'ayaw i, o sasafaloco'en no mako anini a mifalic, inian ko sa'ayaway a haharatengen.

Sakameden ako ko sowal a paini, nawiro mita'ong kako to Yin-cu-min-cu. Onini a pala^ i Taywan i, 'ayaw no 400 a mihcaan irayto ko maro'ay a tamdaw. O nangra sa a fana' a ma'orip, iray ko sowal, serangawan, lekakawa no 'orip ato saliyoh no 'orip. Nikawrira, ira ko nai papotalay onini a pala^ a tamdaw a midefongay.

我相信，一直到今天，在我們生活周遭裡，還是有一些人認為不需要道歉。而這個，就是今天我需要代表政府道歉的最重要原因。把過去的種種不公平視為理所當然，或者，把過去其他族群的苦痛，視為人類發展的必然結果，這是我今天站在這裡，企圖要改變和扭轉的第一個觀念。

讓我用很簡單的語言，來表達為什麼要向原住民族道歉的原因。台灣這塊土地，四百年前早有人居住。這些人原本過著自己的生活，有著自己的語言、文化、習俗、生活領域。接著，在未經他們同意之下，這塊土地上來了另外一群人。

Talacowa ona irikoray a tahini a tamdaw ko saka molahad no saway, nikawrira, onini a tamdaw ko milifokay to saka'orip no i'ayaway a maro' a tamdaw. Lasawad sato cair a i kananaman naira a pala^, matiya sato o palafangay, caayto ko tanosok, malacofocofokay to ko 'orip.

O pades no roma a finacadan ko saka cipoc no mikowanay. O a'imeren koni a saway, papainien ko so'linay a demak a pangiha'. O tadamaanay a sasafaloco'en no Cen-fu koni a demak, onianay saka tomireng kako anini a mita'ong. Ano caay kahatira i, o caayay ko mo^celay a kitakit ko kitakit no mita.

歷史的發展是，後來的這一群人，剝奪了原先這一群人的一切。讓他們在最熟悉的土地上流離失所，成為異鄉人，成為非主流，成為邊緣。

一個族群的成功，很有可能是建立在其他族群的苦難之上。除非我們不宣稱自己是一個公義的國家，否則這一段歷史必須正視，真相必須說出來。然後，最重要的，政府必須為這段過去真誠反省，這就是我今天站在這裡的原因。





Ira ko cecay “ O sawayan no Taywan tong se ” sanay a codad. Sawal sa i pali’ayaw a sawal “ Awaay ko saway no Taywan. O Olanda^ ko militapangay, ci Cen Cen-kong ko midemakay, o Cin-tay ko parafaray” sa ko sawal , o no payrang a harateng koni. Nawhani, i’ayaw no pinapina a patek a mihcaan i, iraa:yto ko Yin-cu-min-cu a fanacadan toni a pala^. O kadofahay a serangawan ato taneng i marayraya:y to itini. Orasaka, komod han no mako ko Cen-fu a mita’ong to Yin-cu-min-cu.

有一本書叫做「台灣通史」。它的序言的第一段提到：「台灣固無史也。荷人啟之，鄭氏作之，清代營之。」。這就是典型的漢人史觀。原住民族，早在幾千年前，就在這塊土地上，有豐富的文化 and 智慧，代代相傳。不過，我們只會用強勢族群的角度來書寫歷史，為此，我代表政府向原住民族道歉。

O pipatay pi'afas no Olanda ato ni Cen Cen-kong to 'orip no Tangafolan; piri'ang no Cing-caw ato pisapangcah no Ripon a nikowan, tangasa i lotokay enaray sanay a pikowan no Min-kok. O tayniay i Taywan a mikowanay tina 400 a mihcaan i, sahto o sala'is ko sapi'afas ato sapiri'ang to saka 'orip no Yin cu-min-cu. Orasaka, komod han ako ko Cen-fu a mita'ong to Yin-cu-min-cu.

Pakayni i nanaman no 'orip no Yin-cu-min-cu ato taneng no to'as ko saka saysay, saka nga'ay no niyaro' ato taliyokay a pinalengaw. Nikawrira, yo mapatireng no aniniay a Kitakit ko sapihalaka to niyaro' a demak i, mapalasawad to ko lekakawa ato pakoniyaniyah a 'imar no Yin-cu-min-cu. Mapalasawad ko yofayof ato caayto ko mamahayda ko salongoc no 'orip. Orasaka, kotay han ako ko Cen-fu a mita'ong to Yin-cu-min-cu.

荷蘭及鄭成功政權對平埔族群的屠殺和經濟剝削，清朝時代重大的流血衝突及鎮壓，日本統治時期全面而深入的理番政策，一直到戰後中華民國政府施行的山地平地化政策。四百年來，每一個曾經來到台灣的政權，透過武力征伐、土地掠奪，強烈侵害了原住民族既有的權利。為此，我代表政府向原住民族道歉。

原住民族依傳統慣習維繫部落的秩序，並以傳統智慧維繫生態的平衡。但是，在現代國家體制建立的過程中，原住民族對自身事務失去自決、自治的權利。傳統社會組織瓦解，民族集體權利也不被承認。為此，我代表政府向原住民族道歉。



Na iraray ko sowal no Yin-cu-min-cu, yo o Ripon ko nikowanay i, macengel a pala no Riponen ko lekakawa, o roma sato, ikor no 1945 a mimaan i, palasawaden no Cen-fu ko sowal, caay ka nga'ay a somowal to sowal no tireng, saka lasawad sa ko sowal no Yin-cu-min-cu ato no Tangafolan. To hatiniay mikowanay a Cen-fu, caay kaedeng ko pidipot to saka rayrayaw no serangawan no Yin-cu-min-cu, Orasaka, komod han ako ko Cen-fu a mita'ong to Yin-cu-min-cu.

原住民族本來有他們的母語，歷經日本時代的同化和皇民化政策，以及 1945 年之後，政府禁止說族語，導致原住民族語言嚴重流失。絕大多數的平埔族語言已經消失。歷來的政府，對原住民族傳統文化的維護不夠積極，為此，我代表政府向原住民族道歉。





Toya mihcaan, yo mafokil ko Fotod a tamdaw i, liapa^ han no Cen-fu a midokdok mi'tli i Fotod ko cisawarakay a 'afo no he-neng. Oni ko saka makari'ang ko 'orip no i Fotoday a tamdaw. Orasaka, komod han no mako ko Cen-fu a mita'ong to Yin-cu-mincu.

當年，政府在雅美族人不知情的情況下，將核廢料存置在蘭嶼。蘭嶼的族人承受核廢料的傷害。為此，我要代表政府向雅美族人道歉。

Yo midefong i Taywan ko sapapotalay a tamdaw i, sa'ayaway a makari'ang i, oya maro'ay i no^etipan a dafdaf a Tangafolan a finacadan. Oya madado^do^ay a mikowanay ko palasawaday to Tangafolan a finacadan. Orasaka, komod han no mako ko Cen-fu a mita'ong to Tangafolan a finacadan.

自外來者進入台灣以來，居住在西部平原的平埔族群首當其衝。歷來統治者消除平埔族群個人及民族身分，為此，我代表政府，向平埔族群道歉。





Irikor no pipasasiyor to pikowan i, na irato ko pipaca'of no Kitakit to salongoc no Yin-cu-min-cu. Mihayda ato misa'icel ko Cen-fu a midemak tonian. Mapasadakay to no mita ko “paranaan a rikec no Yin-cu-min-cu” nika onini a rikec i, caay ka lalen ko yofayof no Cen-fu a milayap. Caay ka narikay kasolinga' ato caay ka ha^emin ko midemakan no niyam. Orasaka, komod han no mako ko Cen-fu a mita'ong to Yin-cu-min-cu.

Malita'ang ko Taywan to “adihayay a kasasiroma no serangawan” sanay. Nikawrira, o sakatanektek no tireng, sapisifana', saki'orip, sapikowan a kalodemak i, irarem ho no roma a finacadan. O roma sato, caay ka lasawad ko pisakakinih to Yin-cu-min-cu. Caay ka solinga' no Cen-fu konini a demak, saka mapakaroray ko Yin-cu-min-cu. Orasaka, komod han no mako ko Cen-fu a mita'ong to Yin-cu-min-cu.

民主轉型後，國家曾經回應原住民族運動的訴求。政府做過一些承諾、也做過一些努力。我們有相當進步的「原住民族基本法」，不過，這部法律，並沒有獲得政府機關的普遍重視。我們做得不夠快、不夠全面、不夠完善。為此，我要代表政府，向原住民族道歉。

台灣號稱「多元文化」的社會。但是，一直到今天，原住民族在健康、教育、經濟生活、政治參與等許多層面的指標，仍然跟非原住民存在著落差。同時，對原住民族的刻板印象、甚至是歧視，仍然沒有消失。政府做得不夠多，讓原住民族承受了一些其他族群沒有經歷過、感受過的痛苦和挫折。為此，我要代表政府，向原住民族道歉。



Caay ka tatodong ko pisa'icel no niyam, to kasarayray, o saka hatini namo a mapades tahanini i, o nikaca kanarikay no niyam a pakahapinang to rarima no namo, orasaka, maanen aca haw.

O pita'ong anini, talacowa maapacay to, nika o litapang koni. 400 a mihcaan o roray ato pades no Yin-cu-min-cu i, caay ka nga'ay pakayni i cecay a tilid ato pita'ong a malahdaw sanay ko pinanay no mako. Nikawrira, so'linay ko hinatala no mako, o nipita'ong anini i, i laloma'ay ho nonini a kitakit a tamdaw i, pasayraen i kasasisolol ko litapang ko nga'ay.

我們不夠努力，而且世世代代，都未能及早發現我們不夠努力，才會讓各位身上的苦，一直持續到今天。真的很抱歉。

今天的道歉，雖然遲到了非常久，卻是一個開始。我不期望四百年來原住民族承受的苦難傷害，會只因為一篇文稿、一句道歉而弭平。但是，我由衷地期待，今天的道歉，是這個國家內部所有人邁向和解的開始。

Pakaynien ako i cecay a taneng no Yin-cu-min-cu, a pasowal to demak anini. I sowal no Tayal “so’linay a demak” sanay i, “Balay” han. “kasasisolol” sanay i “Sbalay” han, ’ayaw no “Balay” a tilid tongal han to “s” a tilid i, “so’lin a demak” ato “kasasisolol” a sowal i makakafitay sanay. Ano pahci^ han ko sowal i, so’linay a kasasisolol i, deng so’linen ko faloco’ a masaso’ayaw ta malahci ko demak.

請容我用一個原住民族的智慧，來說明今天的場合。在泰雅族的語言裡，「真相」，叫做 Balay。而「和解」叫做 Sbalay，也就是在 Balay 之前加一個 S 的音。真相與和解，其實是兩個相關的概念。換句話說，真正的和解，只有透過誠懇面對真相，才有可能達成。





I serangawan no Yin-cu-min-cu, ano ira ko pararaway to cima a tamdaw , ano mangalay a masasisolol i, palisaoten no mato'asay ko miri'angay ato makari'angay a tamdaw. Masa'opo^ caira i, caay ko nika pita'ong a cecay, alapasadak caira to nai faloco'ay a سوال. Yo maherek a paini to so'linay a rayray no demak i, ta: han no mato'asay a matatakid, mata'lifayto a demak i ta'lif hato. Onian koya “Sbalay” sanay.

在原住民族的文化裡，當有人得罪了部落裡的其他人，有意想要和解的時候，長老會把加害者和受害者，都聚在一起。聚在一起，不是直接道歉，而是每個人都坦誠地，講出自己的心路歷程。這個說出真相的過程結束之後，長老會要大家一起喝一杯，讓過去的，真的過去。這就是 Sbalay。

Hinatale kako anini tona sa'opo^, o Cen-fu ato Yin-cu-min-cu i, masasi Sbalay. Oya moraraway ato so'linay a rayray no demak i 'ayaw i, hacecay a han no mako a patalahekal. Ano honi, a ira ko Yin-cu-min-cu a salikaka paini to nafaloco'an niira. Mangodo kako a milongoc to sapisololaw namo, nikawrira, milongoc kako i tamowanan, o mararaway i'ayaw i caay to piliyaw, ira ho ko cecay a romi'ad konini a Kitakit i, pasayraen i kasasisolol karari'ari'ay ko nga'ay.

我期待今天這個場合，就是一個政府和原住民族之間的 Sbalay。我把過去的錯誤，過去真相，竭盡所能、毫無保留地講出來。等一下，原住民族的朋友，也會說出想法。我不敢要求各位現在就原諒，但是，我懇請大家保持希望，過去的錯誤絕不會重複，這個國家，有朝一日，可以真正走向和解。





O litapang konini, malaheciay ko kasasisolosolol a demak, caay ka i Yin-cu-min-cu ato Tangafulan a finacahan, o Cen-fu ko pi'arawan. Mafana'ay kako deng o pita'ong caayay katatodong, kianini litapang mihalaka ko Cen-fu to midemakan no Yin-cu-min-cu, itini tona demak a mahapinang so'linay misololay konini a Kitaki.

So'linen ako a palosiyang, o papatirengen i Cong-tong-fu ko "yofayof no mocelay a saway no Yin-cu-min-cu ato mifalic palamo^celay a iing-kay". Kako o Cong-tong ko kakeridan nonini a sa'opo^, malakapot to dayhiw no kalofinacadan mikilim to mocelay a saway, ikor i, malecaday ko paenaran a malacafay mihalaka to demak no Kitakit.

So'linen no mako a pasowal, o iing kay i Cong-tong-fu i, malecaday ko paenaran ato nika tadamaan. O saka ira no dayhiw no kalofinacadan ato Tangafolan i, o nikalecad no faloco' no niyaro' ko tapang. Onini a yofayof i, o mihalakaay to kalodemak no Yin-cu-min-cu, orasaka, manga'ay a talafafawen ko ngiha' no finawlan.

今天只是一個開始，會不會和解的責任，不在原住民族及平埔族群身上，而在政府身上。我知道，光是口頭的道歉是不夠的，政府從現在開始，為原住民族所做的一切，將是這個國家是否真正能夠和解的關鍵。

我要在此正式宣布，總統府將設置「原住民族歷史正義與轉型正義委員會」。我會以國家元首的身分，親自擔任召集人，與各族代表共同追求歷史正義，也會對等地協商這個國家往後的政策方向。

我要強調，總統府的委員會，最重視的，是國家和原住民族的對等關係。各族代表的產生，包括平埔族群，都會以民族和部落的共識為基礎。這個機制，將會是一個原住民族集體決策的機制，可以把族人的心聲真正傳達出來。



O roma sato, longocen ako ko Sin-cen-yin patosok to romi'ad a mikayki to saki "milahciay to paranaan a rikec no Yin-cu-min-cu a iing kay". O mihalakaan no iing kay i, manga'ay a malalicay to Cen-fu, ato i kalosa'opo^ no Sin-cen-yin, a misalof to demak. Mato mikilim to masafaloco'ay a saway, palowad to pakoniyaniyah pikowan, saka comahad no saka 'orip, pirayray to serangawan ato sapisifana', saka ci pa'es no tireng, ato pidipot to i tokayay ko 'orip a finacadan.

另外，我也會要求行政院定期召開「原住民族基本法推動會」。委員會中所形成的政策共識，未來的政府，會在院的層級，來協調及處理相關事務。這些事務包括歷史記憶的追尋、原住民族自治的推動、經濟的公平發展、教育與文化的傳承、健康的保障，以及都市族人權益的維護等等。

Longocen haca ako ko kaloyofayof a sa'opo^, pasadak to masamaanay ko demak sa mapateli i Futod ko cisawarakay a 'afo no he-neng sanay a codad. Ta i'ayaw no nika losimet nonini a 'afo no he-neng i, pafelien ko Futod a finacadan to matatodongay a sapalolol.

I kangodo^ to Tangafolan ao Tangafolan kami sanay to 'orip no niyah i, 'ayaw no 9 a folad saka 30 a romi'ad i, maainiini kami to pakayniay i rikec, ta maanen a pafeli ko Tangafolan a finacadan to malonangraan a tatodong.

Anini a mihcaan 11 ko folad saka 1 a romi'ad, litapangto kami a nikenis pahapinang to saliyoh a sera no Yin-cu-min-cu. O citodongay to rikec no niyaro' i, litapangayto a matayal, saka, a hacecay han a nilahci ko niharatengan to pakoniyanayah pikowan. Paroharohen no niyam a pasadak i Li-fa-Yin ko tadamaanay a demak no Yin-cu-min-cu to “rikec no pakoniyanayah pikowan”, “rikec no sera ato riyar”, “rikec no saka comahad no sowal”.

我也會要求相關部門，針對核廢料儲存在蘭嶼的相關決策經過，提出真相調查報告。在核廢料尚未最終處置之前，給予雅美族人適當的補償。

同時，在尊重平埔族群的自我認同、承認身分的原則下，我們將會在九月三十日之前，檢討相關法規，讓平埔族身分得到應有的權利和地位。

今年的十一月一日，我們會開始劃設、公告原住民族傳統領域土地。部落公法人的制度，我們已經推動上路，未來，原住民族自治的理想，將會一步一步落實。我們會加快腳步，將原住民族最重視的「原住民族自治法」、「原住民族土地及海域法」、「原住民族語言發展法」等法案，送請立法院審議。

Anini herek no lahok, pasa'opo^en niyam ko polong no Yin-cu-min-cu sin-cen a pikayki. Paratoh ko Cen-fu to adihayay a mihalakaan a demak. To mihcacaan no 8 a folad saka 1 a romi^ad, o paparatoh ko Sin-cen-yin i polong no Yin-cu-min-cu to nidemakan a mo^celay a saway ato fa^lohay a palamocelan a demak. Lahcien ko tapang a rikec no Yin-cu-min-cu, lahcien ko mo^celay a saway, ta mapatereng ko paranaan no pakoniyaniyah pikowan, onini a tolo^ay ko hahalakaen no Cen-fu to demak no Yin-cu-min-cu.

今天下午，我們就要召開全國原住民族行政會議。在會議中，政府會有更多政策的說明。以後每一年的八月一日，行政院都會向全國人民報告原住民族歷史正義及轉型正義的執行進度。落實原住民族基本法，達成原住民族的歷史正義，並建立原住民族的自治基礎，就是政府原住民族政策上的三大目標。





Longocen ako ko iniay, minengnengay to tilifi ato mitiya polong no Yin-cu-min-cu, malacafay kita a pawacay mikantok tonini a demak. Nanay sa'icelen namo o Yin-cu-min-cu a mitiwatiw, paini to fana', ta malahei ko nihaydaan no Cen-fu, so'lin mifalic ko moraraway a demak i'ayaw.

我要邀請在場的、在電視及網路轉播前的全體原住民族朋友們，一起來當見證人。我邀請大家來監督，而不是來背書。請族人朋友們用力鞭策、指教，讓政府實現承諾，真正改進過往的錯誤。

Aray han ako ko polong no Yin-cu-min-cu, kamo ko mipalalay to polong no Kitakit, onini a nipasaripa'an a sera^ ato rayray no to'as, iray ko caay ko mamafalic a satadamaanay, onini a satadamaanay i, o papafelien to sakangod ciira.

Iikor to i, pakaynien niyam i pilahci to mihalakaan a tayal, to saka caay ka lasawad kapawan to sowal ato serangawan ko teloc no Yin-cu-min-cu, ato maro'ay tonini a pala^ no Taywan a finacadan, ta caayto ka matiya o pakoyocay a misatiwatiwal i pala^ no niyah.

我感謝所有的原住民族朋友，是你們提醒了這個國家的所有人，腳踏的土地，以及古老的傳統，有著無可取代的價值。這些價值，應該給予它尊嚴。

未來，我們會透過政策的推動，讓下一代的族人、讓世世代代的族人，以及台灣這塊土地上所有族群，都不會再失語，不會再失去記憶，更不會再與自己的文化傳統疏離，不會繼續在自己的土地上流浪。



Longocen ako ko polong no Siya-kay malacafay a misa'icel, mafana' to saway, to pala^, to kasasiroma no serangawan no mita. Pasayraen i kasasiri'ay, malacafay, sasipalada' ko rakat no mita i Taywan, ta so'linay fa^lohay a kitakit koni.

Longocen no mako ko polong no finawlan, pakayni tona demak anini, malacafay kita a palowad to mo^celand masolinga'ay a kitakit, o cecay a so'linay malalenay a kitakit.

Aray polong no finawlan.

我請求整個社會一起努力，認識我們的歷史，認識我們的土地，也認識我們不同族群的文化。走向和解，走向共存和共榮，走向台灣新的未來。

我請求所有國人，藉著今天的機會，一起努力來打造一個正義的國家，一個真正多元而平等的國家。

謝謝大家。



照片圖說

- 第 2 頁，8 月 1 日蔡英文總統與頭目代表握手致意。圖片來源：中華民國總統府全球資訊網。
- 第 3 頁，8 月 1 日蔡英文總統照片
- 第 4 頁，8 月 1 日總統府廣場跳舞祈福。
- 第 5 頁，原住民群體沙龍照。
- 第 6 頁，8 月 1 日蔡英文總統聆聽祈福儀式。
- 第 7 頁，宋忠堅牧師娘暑期女子學校。攝於宋家花園，20 世紀初期。
- 第 8 頁，8 月 1 日助禱祈福。圖片來源：中華民國總統府全球資訊網。
- 第 9 頁，女子學校（可能設於臺南），1906 年。
- 第 10、12、14、15、16 頁，排灣族原住民照片，攝影者傑西·蓋特於 1922 年抵臺。
- 第 11 頁，半穴居住屋，沿木梯上下。臺北州蘇澳郡 Kolo 社。圖片引用來源：泰雅族住屋內部（千千岩助太郎攝）。
- 第 13 頁，排灣族部落聚會。
- 第 18 頁，達悟族人在蘭嶼。
- 第 19 頁，8 月 1 日蔡英文總統與達悟族代表合照。
- 第 21 頁，8 月 1 日原住民族代表進入總統府。
- 第 22 頁，8 月 1 日蔡英文總統演說向原住民族道歉文。圖片來源：中華民國總統府全球資訊網。
- 第 23 頁，8 月 1 日蔡英文總統與原住民族代表大合照。圖片來源：中華民國總統府全球資訊網。
- 第 24 頁，8 月 1 日蔡英文總統與原住民族代表大合照。圖片來源：中華民國總統府全球資訊網。